



UNIVERSITI
TEKNOLOGI
MARA



Dapatkan berita menarik di dalam...

Sidang Redaksi



<i>Penaung</i>	:	<i>Yang Berbahagia Prof. Madya Dr. Azizan bin Abdullah</i>
<i>Penasihat</i>	:	<i>Puan Maznah binti A. Hamid</i>
<i>Pengarang</i>	:	<i>Puan Siti Rozana binti Mat Sanat</i> <i>Encik Mohd Hafiz binti Kasirun</i> <i>Puan Mawar Noor binti Abdullah</i> <i>Encik Idris bin Muhammad</i> <i>Cik Nor Azelea binti Mohd Azahar</i>
<i>Editor</i>	:	<i>Encik Abdul Razak bin Abu</i> <i>Encik Roslan bin Mohd Nor</i>
<i>Percetakan</i>	:	<i>Puan Norme binti Hj Saleh</i>
<i>Rekaletak/Konsep</i>	:	<i>Encik Mohd Danial bin Daud</i> <i>Saudari Norazra binti Rahmat</i> <i>(Pelajar Praktikal Feb - Jun 2015)</i> <i>Saudari Nur Areena Aqilah binti Mohd Sapri</i> <i>(Pelajar Praktikal Ogos - Disember 2015)</i>
<i>Edaran</i>	:	<i>Encik Juharie bin Jemain</i>

TINTA PUSTAKAWAN

"PERPUSTAKAAN KECIL PERCUMA"

Oleh : Mawar Noor binti Abdullah



Perpustakaan Kecil Percuma atau lebih dikenali sebagai "Little Free Library" merupakan satu program yang semakin popular dan menjadi ikutan pada masa kini di seluruh dunia. Ianya merupakan satu usaha murni yang mengalakkan kerjasama masyarakat setempat untuk mempromosikan budaya membaca. Perpustakaan Kecil Percuma ini berbentuk seperti rumah kecil yang mengandungi koleksi buku-buku peribadi yang menjadi kegemaran, diminati, memberi kesan kepada kehidupan, pengajaran dalam hidup dan seronok untuk dibaca.

Ianya diletakkan dihadapan rumah dan sesiapa pun boleh meminjam bahan bacaan yang disediakan tanpa sebarang kad, tanpa perlu membayar denda dan tidak perlu dipulangkan. Perpustakaan ini mengamalkan konsep perkongsian koleksi bahan bacaan sesama masyarakat setempat, jiran tetangga dan rakan-rakan. Ianya dipunyai oleh semua orang dan adalah menjadi tanggungjawab bersama bagi memastikan bahan bacaan yang disediakan dijaga dan dipelihara dengan baik. Konsep Perpustakaan Kecil Percuma ini telah diinspirasi oleh idea-idea daripada usaha:-

- Andrew Carnegie yang menyediakan 2,509 perpustakaan awam percuma sejak awal abad ke-19 hingga abad ke-20.
- Usaha Miss Lutie Stearns, seorang pustakawan yang membawa buku-buku ke 1,400 lokasi di Wisconsin melalui program "perjalanan perpustakaan kecil" antara tahun 1895 dan 1914.
- Kempen "ambil buku dan tinggalkan sebuah buku" yang dilaksanakan oleh sesetengah kedai-kedai kopi dan tempat-tempat awam.

Diantara misi Perpustakaan Kecil Percuma ini ialah untuk:-

- Menyokong bacaan awal kanak-kanak.
- Menambah ilmu bagi remaja dan orang dewasa.
- Meningkatkan kadar celik ilmu dikawasan kejiranan.
- Menanamkan kesedaran tentang pentingnya membaca bagi masa depan yang lebih cemerlang.
- Menghindari gejala tidak sihat dikalangan masyarakat.




Berikut merupakan cara-cara menggunakan perpustakaan ini:-

- AMBIL** - sesiapa pun boleh mengambil buku yang disukai dan diminati untuk dibaca. Didalam buku tersebut, kita dapat melihat siapa penyumbangnya dan siapa yang sudah membaca buku tersebut.
- KONGSI** - buku-buku yang telah dibaca boleh dipulangkan di mana-mana perpustakaan kecil lain supaya buku tersebut dapat dibaca oleh orang lain.
- BERI** - sumbangkan buku baru atau buku kegemaran kita untuk bacaan orang lain pula.

Perpustakaan Kecil Percuma ini dibina sendiri dan boleh dijadikan aktiviti bersama keluarga. Pembinaannya boleh menggunakan bahan-bahan terpakai dan mesra alam. Aktiviti pembinaan perpustakaan kecil ini dapat menggalakan penggunaan imaginasi dan kreativiti masing-masing. Bagi yang ingin turut serta dalam program ini, bolehlah merujuk kumpulan-kumpulan sokongan di facebook seperti Neighborhood Library Builders Guild dan banyak lagi kumpulan sokongan berkaitan untuk tunjuk ajar, justifikasi budget, tutorial, langkah demi langkah pembinaan perpustakaan kecil, video dan nasihat-nasihat berguna yang lain. Disamping itu, kita juga boleh berkongsi cerita dan pengalaman bersama komuniti "Little Free Library" diseluruh dunia serta memuatnaik gambar Perpustakaan Kecil Percuma yang dibina ke laman web mereka. Diantara kebaikan program Perpustakaan Kecil Percuma ini ialah:-

- menggalakan perkongsian ilmu
- mengajar masyarakat nilai-nilai murni seperti sikap memberi dan menerima dengan ikhlas, amanah dalam menjaga pemberian orang lain
- membina kemahiran kreatif dan inovatif
- membina hubungan baik sesama jiran dan rakan
- memupuk minat membaca
- melahirkan generasi cintakan ilmu
- mewujudkan suasana kejiranan yang positif
- program khidmat kepada masyarakat



Hingga Januari 2015 sebanyak 25,000 Perpustakaan Kecil Percuma ini telah dibina dan berdaftar diserata dunia dan semakin bertambah dari masa ke masa. Untuk sama-sama menyertai program ini dan mendapatkan maklumat lanjut mengenainya, bolehlah melayari laman sesawang "Little Free Library" di <http://littlefreelibrary.org/>.